



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

7. De esu agni pascalis.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

ratoribus voluit Christus Dominus, sustinendo Iudam, & adnitendo ipsum juvare.

MEDITATIO VII.

Esus Agni Paschalis. Matth. 26.

Marc. 14. Luc. 22.

PUNCTUM PRIMUM.

1. **Zelus legis in Christo.** **P**Ræparatio Agni. 1. Elucet in Christo studium observandi legem, quando idcirco Ierosolymam venit, ubi sciebat sibi parari necem, & præmisit, qui necessaria curarent, ne quis defectus committeretur in legali observatione. Sic ego studiosus sim divinorum præceptorum. 2. Duos præmisit ad hoc, Petrum, & Ioannem (in quibus fides & dilectio significantur) charissimos sibi discipulos. Disponunt eadem virtutes ritè animam ad esum veri Agni in facta Eucharistia. 3. Nuntiarî iussit Domino domus: *Magister dicit, tempus meum propè est, apud te facio Pascha cum discipulis meis.* Verba hæc ita fuerunt efficacia, ut confestim locum amplum, & reliqua præbuerit. O, audiam ego ex te, quòd apud me velis Pascha facere! Ecce totum cor & animam tibi offero, ubi cœnes.

PUNCTUM II.

- Valedicit Matri.** **C**redibile est, Christum, antequam Bethaniam postremò excederet ad hanc cœnam, valedicere matri.

valedixisse matri, imminentem passionem ac mortem sigillatim enarrasse, tum commendasse ei discipulos per hanc brevem absentiam, ut ipsos confirmaret. Ad quæ virgo icæta est acerbissimo dolore; sed viriliter se in manus Dei resignavit, petiitque à Filio, ut liceret sibi luctuosæ actioni interesse.

PUNCTUM III.

Progrreditur Ierosolymam, & discumbit cum discipulis. 1. Inter eundem variè afficiebantur, Christus exultabat venisse tempus complendi opus sibi à Patre impositum: Iudas gaudebat de occasione tradendi Magistrum: cæteri subtristes incedebant, voluentes verba Christi: *post biduum Pascha fiet, & Filius hominis tradetur, ut crucifigatur.* Levabat ipsos Christus suis sermonibus. 2. Cùm accubuisent, Dominus ait: *Desiderio desideravi hoc Pascha manducare vobiscum, antequam patiar.* Sæpiùs manducaverat cum illis Agnum, sed hanc supremam manducationem summè semper expetiverat, tum quod in ea exhibiturus erat edendum verum Agnum in priore figuratum, tum quia mox ab hac cæna baptizandus ipse erat baptismo illo passionis à se tam exoptato.

10000
10000
10000

Matt.
26. 2.

Luc. 22.
15.

In Chri-
sto desi-
derium
patiendi
ingens.

PUNCTUM IV.

EDitur Agnus. Interea Christus eos ritus, *Æsus Agni* qui in typo illo servabantur, ad se applicabat.

Christi
patien-
tis.

bat. Intuebatur Agnum supra mensam exposi-
tum, excoriatum & assum: & cogitabat sic se
super crucem expansum iri, & flagellis ipsa cu-
te exuendum, igneque tormentorum extorren-
dum. Secabatur Agnus in partes, sed integris
ossibus: sic se toto corpore luxandum, non ta-
men ut latronum crura confringenda. Festi-
nantes comedebant: ita in se rabie maxima ad-
versarios ruituros: Baculum manu tenebant co-
medentes, in typum ligni crucis. Assumpto fi-
gurali Agno, obtulit se Patri ad complendum,
quicquid in illo præfiguratum fuerat.

MEDITATIO VIII.

Lotio pedum. Ioan. 13. v. 1.

PUNCTUM PRIMUM.

Amoris
Christi
proprie-
tates.

1.

2.

3.

4.

PRO exordio passionis dominicæ enarran-
dæ ponit D. Ioannes ista verba: *Cum dile-*
xisset suos, qui erant in mundo, in finem dilexit
eos. 1. Dilexit eos sicut se, imò plus quam se,
cùm pro illis tradiderit animam suam dilectam.
2. Dilexit constanter, usque in finem, dum ipse
vixit, dum illi vixerunt, & usque in æternum.
3. Dilexit summè, quod maximum potuit, pro
illis agens & patiens, & maiora cupiens facere.
4. Dilexit in finem, ut assequerentur in hac vi-
ta, & altera id ad quod erant destinati & con-
diti.

PUN-